

ԱՆՅՈՐԳԷ ԵՒ ԻՐ ՃԱՄԲԱՆ

(ԲԱՆԱՍՏԵՂԾԻ ՅՈՒՇԵՐԻՑ)

Գրեց՝ ԿՈՍՏԱՆ ԶԱՐԵԱՆ

ՍԵՒԱՆ

7.

ՍՄԱՅԻ ԵՆ կարմիր մի ափի մօտ, երեկոն մոխրագոյն լաթի նման ծալում է հարկոնքը ու դանդաղօրէն քարշ դալիս:

Ատում են՝ հասել ենք:

Ո՛րք ենք հասել: Ափը մերկ է մութաշուկաների երկարած ձեռքի նման: Կեանքի ոչ մի նշան չկայ՝ ոչ տուն, ոչ մշակումի որեւէ հետք:

Իշխանութիւնը հեռադիտակներով պրպրատում է հեռուները, մինչ նաւը իր երիտասարդ աքլորի կոկորդն է քերում եւ ջրայնացած, կամուրջների տակ կուտ փնտռող փոքրիկ ձուկի նման շարժուն, դէս դէն է դառնում:

Ո՛րք ենք հասել, մե՛նք, լուսկեաց ծովի արդոնաւորդներս, երկնքի դիզուած շերտերի տակ կանգնած, հողիների թեքուած ապակիների հեռադիտակը խորհրդաւոր անապատի դէմ բռնած —

Մե՛նք, դժբախտ արդոնաւորդներս:

Այդպէս, մտածում եմ. արդեօք մի օր էլ, երկար ու դաժան ճամբորդութիւնից յետոյ, չլինի՞ թէ կանգ առնենք վերջնական մի պարագլի առջև ու տենդոս աչքերով, ոչ միայն Ստիքսը եւ ողբերգական անցորդների նաւակը ջաննենք, այլ նոյնիսկ այն ծանր ստուերների անկիւնաւոր խաղը, որոնց ներկայութիւնը ծածկուած լոյսերի անցքն է վիհայում:

Անկարելի է ապրել եթէ անակնկալը մերթ ընդ մերթ յոգնած մեր նայուածքների առջև պատուհան չբանայ, եթէ երկար սպասումը թրթռացող տարածութիւններին չբաղտնի, եթէ տարադրուած մի հրեշտակ՝ ցատումի եւ արտամութեան պահերին՝ մեր հոգիների մէջ մի քիչ զարմանք եւ մի քիչ բերկրանք չմտրայ:

— Ի՛նչքա՞նչ զեղնած է:

— Երեւի նրա համար, որ այստեղ օդը պղնձի գոյն ունի:

— Օդը եւ հողը. եթէ սաքզ գեանին դարնես՝ կը հնչի:

— Ի՛նչ տարօրինակ է մեր այս նաւը եւ ի՛նչ տարօրինակ ենք մենք: Կարծես երազում եմ: Սեղծ նաւը եկել դեղերում է ամայի մի ափի մօտ, սուլում է իր շողու ամբողջ ուժով, մարդ է կանչում — եկե՛լ ենք, եկե՛լ ենք — իսկ չորացած մայրաւով ծածկուած թմբերը, իսկ կարծր, քարացած հողը չի էլ պատասխանում: Եկե՛լ էք, գէ ի՛նչ անեմ որ եկել էք: Տեսէք մարդկանց շուարած եւ մտահոգ դէմքերը. աղքատիկ երախտների նման աչքերով մարդ են մուրում եւ հեռադիտակներով խուսափող հորիզոն են որսում: Սրտածմբիկ տեսարան է, չէ՞... Իսկ մենք ուղղակի ծիծաղելի ենք եւ դժբախտ: Դժբախտ հիւրեր... —

— Բլուրի յետեւ կարծես փոշի է բարձրանում:

— Գալիս են, դալիս են...

Իշխանութիւնը արագօրէն վերաբիւնները հագնում է, կոճկուած վերից վար, գլխարկը ուղղում եւ հանդիսաւոր դիրք բռնում:

Բլուրի վրայից, խոկապէս ձիււորների մի խումբ սրարշաւ իջնում է դէպի ափը: Սանձերը լարում են եւ ձիերը խրինջալով կանգ են առնում շարքով: Նաւը, այս անգամ հանդիսաւոր եւ ուրախ կերպով, երեք անգամ սուլում է: Նստում ենք նաւակ ու մօտենում ափին: Նոր-Յայագէտի Գործկոմը եկել է դիմաւորելու Հանրապետութեան բարձրագոյն իշխանութիւնը. ձեռքը տարել է ճերմակ փափախին եւ զինուորական բարեւ է տալիս: Նայում եմ. մտնկութեան ժամանակ տեսած, կովկասեան լեռնցիների կեանքից առած, միաժամ պատկերներն են յիշեցնում: Շամիլի կոխները, աւլների առջև կանգնած չէրքէզները, Աերմօնտովի բանաստեղծութիւնների աժան հասորների գծանկարները:

Յամենայն դէպս, ձիււորների քառատըրուփ այս մուտքը, շարք կանգները, բարեւելու